

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINSKI SUD U TEŠNJU
Broj: 39 0 K 078079 25 K
Dana: 21.01.2026. godine

U IME FEDERACIJE BIH!

Općinski sud u Tešnju, sudija Bekrić Hidajeta, uz sudjelovanje zapisničara Alisa Šabanović, u krivičnom predmetu optuženog I. S. sina R. iz V. broj ... općina Tešanj, zbog krivičnog djela Nasilje u porodici iz člana 222. stav 2. Krivičnog zakona Federacije Bosne i Hercegovine, povodom optužnice Kantonalnog tužilaštva ZE-DO kantona Zenica broj T04 0 KTD ... 25 od 09.07.2025 . godine, nakon održanog javnog pretresa za izricanje krivično-pravne sankcije, u prisutnosti tužitelja Kantonalnog tužilaštva ZE-DO kantona Ahmetlić Amre i optuženog, dana 22.01.2026. godine donosi sljedeću:

P R E S U D U

Optuženi:

I. S., sin R. i majke H. rođene P., rođen godine u Tešnju, gdje je i nastanjen na adresi V. broj ..., općina Tešanj, pismen, sa završenom SSS, po zanimanju plinski vodoinstalater, nezaposlen, oženjen, vojsku nije služio, ne vodi se u vojnoj evidenciji, po narodnosti Bošnjak, državljanin BiH, lošeg imovnog stanja, JMB: ..., osuđivan Presudom Općinskog suda u Tešnju broj: 39 0 K ... 09 K od 04.12.2009. godine za krivično djelo Teška krađa iz člana 287. stav 3. KZ F BiH na kaznu zatvora u trajanju od 3 (tri) mjeseca, uvjetno 1 (jedna) godina, Presudom Općinskog suda u Tešnju broj: 39 0 K ... 14 Kps od 17.05.2014. godine za krivično djelo Posjedovanje i omogućavanje uživanja opojnih droga iz člana 239. stav 3. KZ F BiH na kaznu zatvora u trajanju od 4 (četiri) mjeseca, uvjetno 2 (dvije) godine, Presudom Kantonalnog suda u Zenici broj: 39 0 K ... 12 Kž od 17.07.2013. godine za krivično djelo Teška krađa iz člana 287. stav 1. tačka a) u vezi sa članom 31. i 55. KZ F BiH na kaznu zatvora u trajanju od 6 (šest) mjeseci, Presudom Općinskog suda u Tešnju broj: 39 0 K ... 15 K od 13.07.2015. godine za krivično djelo Krađe iz člana 286. stav 1. u vezi sa članom 31. KZ F BiH na kaznu zatvora u trajanju od 2 (dva) mjeseca,

kriv je

što je

Dana 09.05.2025. godine, u poslijepodnevним satima, u Tešnju, u mjestu V. broj ..., u porodičnoj kući, u alkoholiziranom stanju napao svoju suprugu S. I., na način da je istu uznemiravao, psovao joj majku i udario šamarom u lice, te nakon što se S. sa sinom sakrila u podrum kuće, provalio vrata podruma, istjerivao je iz porodične kuće u kojoj žive, iako je bio svjestan da će takvim svojim drskim i bezobzirnim ponašanjem, ugroziti mir i tjelesnu cjelovitost svoje supruge, što je i htio, zbog čega mu je Općinski sud u Tešnju rješenjem broj: 39 0 Pr ... 25 Zm od 10.05.2025. godine izrekao Zaštitne mjere zabrana komunikacije, uznemiravanja i uhođenja žrtve nasilja, te Zaštitna mjera obaveznog psihosocijalnog tretmana učinioa nasilja sve u trajanju od 6 (šest) mjeseci, računajući od dana donošenja rješenja,

dakle, nasilnim i drskim ponašanjem, ugrozio mir i tjelesnu cjelovitost svoje supruge, s kojom živi u zajedničkom domaćinstvu,

čime je počinio krivično djelo "Nasilje u porodici", iz člana 222. stav 2. Krivičnog zakona Federacije Bosne i Hercegovine, pa se primjenom istih zakonskih odredaba te odredaba člana 49. i 62 Krivičnog zakona Federacije Bosne i Hercegovine, izriče:

UVJETNA OSUDA

Kojom se optuženom za počinjeno krivično djelo utvrđuje kazna zatvora u trajanju od 5 (pet) mjeseci i istovremeno određuje da se ista neće izvršiti ukoliko optuženi u roku od 2 (dvije) godine dana, a računajući od dana pravosnažnosti ove presude, ne učini novo krivično djelo.

Optuženi se obavezuje na plaćanje troškova krivičnog postupka u paušalnom iznosu od 50 KM (pedeset konvertibilnih maraka) u roku od 30 dana od dana pravosnažnosti presude.

O b r a z l o ž e n j e

Kantonalno tužilaštvo ZE-DO kantona Zenica optužnicom T04 0 KT ... 25 od 09.07.2025. godine optužilo je I. S., zbog krivičnog djela „Nasilje u porodici“ iz člana 222. stav 2. Krivičnog zakona Federacije Bosne i Hercegovine (u daljem tekstu: KZ FBiH) počinjenog na način vrijeme i mjesto kako je to pobliže opisano u optužnici temeljeći optužbu na dokazima koji su prikupljeni u toku istrage i predloženi u optužbi.

Sudija za prethodno saslušanje ovog suda potvrdio je navedenu optužnicu dana 14.07.2025. godine.

Na ročištu za izjašnjenje o krivnji optuženi, nakon što je u smislu odredaba člana 13. ZKP-a poučen o svojim pravima, izjavio je da je izvršio radnje na način vrijeme i mjesto kako je to opisano u dispozitivu ove optužnice, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje uvjerenje suda je da je do priznanja krivnje došlo dobrovoljno, sa razumjevanjem, da je optuženi svjestan svih posljedica i obaveza koje proističu iz priznanja krivnje, te da postoji dovoljno dokaza o krivnji optuženog, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage i to: - Fco. SPI broj: ... od 19.05.2025. godine, Rješenje Općinskog suda u Tešnju broj: 39 0 Pr ... 25 Zm od 10.05.2025. godine, Izvod iz kaznene evidencije za osumnjičenog I. S. od 12.05.2025. godine, Zapisnik o ispitivanju osumnjičenog I. S. PS Tešanj broj: ... od 09.05.2025. godine, Zapisnik o saslušanju svjedoka-oštećene I. S. PS Tešanj broj: : ... od 09.05.2025. godine, pa je nakon ocjene provedenih dokaza i utvrdio da je optuženi počinio radnje opisane u dispozitivu ove presude, odnosno da je nasiljem , drskim i bezobzirnim ponašanjem ugrozio mir, cjelovitost, psihičko zdravlje člana svoje porodice.

Optuženi je bio svjestan svojih radnji i postupanja, odnosno bio je svestan svog drskog, bezobzirnog i nasilnog ponašanja koje se manifestovalo u psovanju, šamaranju, istjerivanju iz kuće i da ovakvim ponašanjem ugrožava psihičko zdravlje svoje supruge, a što iz poduzetih radnji jasno proizilazi da je i htio (imao volju) da izvrši takve radnje, pa su u radnjama optuženog i ostvarena bitna obilježja krivičnog djela iz člana 222.stav.2. KZ FBiH.

Prilikom odlučivanja o vrsti i visini krivično pravne sankcije sud je cijenio na strani optuženog sve okolnosti. Od olakšavajućih okolnosti sud je našao da optuženi priznaje izvršenje djela koja mu se stavlja na teret, da je porodičan, da pokazuje iskreno kajanje, da oštećena nije zainteresovana za krivično gonjenje, niti je postavila imovinsko-pravni zahtjev, raniju osuđivanost sud nije cijenio kao otežavajuću okolnost jer se radi o presudama iz 2013 ,2014 i 2015 godine i protekao je duži vremenski period, te stekli uvjeti za brisanje istih pa je optuženom izrekao mjeru upozorenja tj. uvjetnu osudu kojom je optuženom utvrdio kaznu zatvora u trajanju od 5 (pet) mjeseci i odredio da se ista neće izvršiti ukoliko optuženi u roku od 2 (dvije) godine dana ne učini novo krivično djelo, a računajući od dana pravosnažnosti ove presude smatrajući da je ova krivično-pravna sankcija adekvatna težini krivičnog djela kao i ličnosti učinioca i da će se sa izrečenom uvjetnom osudom koja predstavlja prijetnju kazne prema optuženom postići kako opšta svrha krivičnih sankcija predviđena članom 7. KZ FBiH, a u okviru iste i svrha kažnjavanja, te svrha uvjetne osude iz 60. stav 2. KZ FBiH.

U smislu odredaba člana 202. stav 1. ZKP-a sud je optuženog obavezao na plaćanje troškova krivičnog postupka u paušalnom iznosu od 50 KM kojeg je optuženi dužan platiti u roku od 30 dana.

Na osnovu svega navedenog odlučeno je kao u izreci ove presude

PRAVNA POUKA:

Protiv ove presude dozvoljena je žalba
Kantonalmom sudu u Zenici u roku
od 15 dana od dana prijema presude.

SUDIJA

Bekrić Hidajeta